



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二八九

雪杖山人詩集八卷 鄭 炎 撰

一

靜便齋集十卷 王曾祥 撰

一七三

安舟遺稿二卷附錄一卷 蘇 珥 撰

二五一

吹萬閣集六卷遺集一卷二如菴詞鈔一卷吹萬閣文鈔六卷緩堂文鈔

四卷緩堂詩話二卷緩堂文述二卷 顧詒祿 撰

二八五

存吾春軒集十卷附錄一卷 周大樞 撰

四八七

望奎樓古文集四卷四書制義文一卷望奎樓詩集四卷 丁愷曾 撰

五九三

雪杖山人詩集

雪杖山人詩集

雪杖山人詩集序

雪杖山人者昔友鄭君清渠號也乾隆初元余備鄭誠齋前輩舉於鄉清渠其從兄屢相見余方弱冠學詩清渠名騰庠序試必前茅九耽吟咏手口不暫輟兼好酒極貧不知愁得錢沽飲爲急米鹽其次胸次鬱塞蓬勃之氣耳目應接觸忤疑怪之端盡以詩寫酒澆之友朋會合抵掌軒眉雄談恣肆稍不愜嬉笑怒罵無顧忌人畏其狂疎且避焉顧頻來余齋若甌酒盞畱連移晷余傾聽其上下古今抑揚評騭忽歌忽泣忽醉忽醒而中腸坦白絕無城府予發豪以狂奚畏哉意其嚴科第或屑微辟亦自謂易於於芥刀凡有機運輒輟阻余在史館每與誠齋遠憶太息之其後出遊楚粵者數載歸老于環堵吁其狂之爲累歟抑必如是乃全其狂而不可及歟余自丁丑母艱回里病不再出今既耄曩昔淺學荒廢已盡山人化去久矣一子人表亦老諸生植品端潔茲奉其先集屬製序余不勝今昔之感而駭服其詩才之大小時雖習熟未窺十一也夫在心發言心有獨得而言乃日新非徒拾古糟粕強事塗澤山人咏懷感事閱景物寒暄之變賞山川流峙之靈靜處一室無幽愁投足萬里無羈緒交洽金蘭狀窮動植凡形於詩

清代詩文集彙編

一一

雪杖山人詩集序

二

與俸錢所入門下士所餽起隨手散盡身後窘乏集稿未克付梓賢子孫門才正盛不妨有待人表乎迨七十而無子銘心刻骨以未刊家集爲情事夢寐迫切竟得顧子退飛鮑子淥飲爲選編校鐫之人表之誠孝感動二君之闢發幽光皆吾鄉行誼之美者余雖不足敘山人之詩感舊抒懷亦安能忍焉

嘉慶五年歲次庚申穀雨節桐鄉馮浩撰

雪杖山人詩集序

雪杖山人詩集序

一

乾隆庚辰辛巳間秀水鄭誠齋贊善督學嶺南敦崇實學釐正文體士風爲之不變余時方就外傳卽聞其從兄雪杖山人詞翰尤工遠近想望丰采心竊向往之通籍後宦遊大江南北亟欲訪求簿書鞅掌未遑也嘉慶庚申通判浙之嘉郡而秀水適隸所部因曹子平階得交於山人詰嗣人表年已七十有五矣以能詩嗣其家聲兼精醫理有薛立齋之風暇日出一編以相質則山人遺集也余惟耳山人之名四十餘年今得讀其詩古文詞如此之富可不謂幸歟山人才高學瞻而不爲世用故其詞涉風騷激昂慷慨往往有抑塞磊落之氣流露行間然奇懷高遠用意含蓄不失溫柔敦厚之遺觀其迎鑒應制諸什端莊流麗博大昌明抑亦雅頌之亞也使其得志於時和聲以鳴國家之盛方諸王右丞閭閻衣冠何多讓焉惜其不遇而僅以窮愁著書良足慨矣然其詩旣以窮而益工其子復能繼其志廣其傳俾海內豪俊讀其文想見其爲人則亦何必以不遇於時爲山人惜哉余不文因人表之問序于余聊相爲言之且以見贊善之教化行于吾

鄧未必非山人爲之引翼先後耳平齋積學士也方通館于余因以爲介云

嘉慶六年歲次辛酉嘉平朔日新會譚大經拜譔

雪杖山人詩集序

雪杖山人詩集跋

我鄉詩人代多淵懿 國朝初元則靜惕潛采兩公其中天之坡谷乎同時二王三李二沈及呂天遺巢端明項易菴孫大山魯孔孫皆前明之遺黎爲 興朝之碩果嗣是張木威沈補隅高大立朱稼翁咸足支持風雅雍正中南郭五詩人暨柘坡草廬水邨朱樹厚石諸君子先民是程風格高騫出而張大之榮陽清渠先生適丁其時與之角逐藝林大放厥辭諸公懾其鋒銳咸斂手避去先生又好痛飲醉卽潦倒任誕罵坐酣寢故禾中人知與不知咸以狂不可近目之先生顧愈益放恣

雪杖山人詩集跋

不問家人生產酒債尋常行處有與衣寒餓不顧矣坐是境日益困然先生嶠然不滓絕不向富兒市賈妄假隻錢胸襟愈益灑落詩筆愈益豪蕩卽集中細閱可見余少與先生同采泮芹先生年長以倍師資且不暇乃先生顧折節小友畜之如皇甫持正韓退之之于李昌谷此情顧何日忘之中間各以飢驅走四方闊不面者閱三十餘年比余移居郡城而先生遊道山已久遺稟且不可問徒深景仰低徊而已今年人日余踰伏陋巷忽有白髯老叟偕我友夏君守白排我闥而叩我塾者則先生哲嗣人表君也年僅後余三齡耳執手歡甚如

親先生警咳坐定卽以先生詩集見屬且以艱于剞劂僅可遞什之三四付刷余自愧謫劣烏足仰測先生高深然幽光之現歷久彌耀春暉之報莫此爲甚因不覺踴躍從事忘其僭妄率瀾于昔友前賢矣點勘麤定釐爲八卷非第藉以少塞人表孝思之不匱亦聊以仰荅先生數十年知契于萬一爾至先生厥考大父遺詩俱附先生全集以行則猶山谷晦翁兩集之遺意也先生家本義門散處江浙族多顯仕先生又爲姚江客星山人陳古民徵君女夫故師友多鉅人長德先生又資性絕人讀書目數行下象勺時恆以元魁自負屢試不入

雪杖山人詩集跋

二

廢于酒人其命也夫余少亦自負不以尋恆自待今年已屆耄耋僅與人表白首相對崦嵫景迫來日無幾撫先生之遺集不禁百端交集涕泗下而不能自止也時在嘉慶改元之四年花朝前二日同里後學顧列星退飛氏謹識時年七十有六

雪杖山人詩集書後

人之身不能百年而精神可以數百世者蘊德於身發爲文章後人誦之讀之想見其爲人故言傳而人與俱傳賢孝子孫不得長事其親則守其親之言而不失竭其力之所至求公諸藝林以永之其用心良獨苦矣雪杖山人往矣輝祖不得親炙山人道範去冬哲嗣人表介吾友鮑君綠飲不遠數百里渡江枉顧辱示遺集請綴一言並別具數冊屬輝祖轉貽越中好古之士冀廣其傳嗚呼山人於是乎有子輝祖既老且病越數月方讀之竟覺元真之氣流於楮墨言必已出無一字一意

雪杖山人跋

蹈前人蹊徑非有得於中其能精銳若是乎山人之生平孟亭馮公詳哉言之詩如其人誦其詩不啻親聞警效也輝祖于詩愧乏思功而心知其理孔子蔽以一言曰思無邪此詩之體也宋儒謂詩以道性情此詩之用也舍是而錄兩于體制家法末矣山人之思純矣性情摯矣故偶一拈毫輒寄託深遠境貧而不累於貧守窮而不跼於窮是爲雪杖山人之詩非他人可勦一語也嘗問數十年來時賢之假讀者踵趾相續人表懼或失墜祕而勿出今以景迫桑榆汲汲焉損米薪之資先梓什之四五用應所求夫士之不得志於時而殫力翰墨

者期志之萬一自見也及乎厭代後之人或不知愛護或雖知愛護而緩於劖劂力不足者無論卽力素有餘庸不知文章之可以傳其先人而重爲他事牽率殘楮斷簡聽其終歸蠹蝕者何可勝道以人表之勢單力詘乃能善承先志俾讀山人詩者無不知山人於以見人表之孝思不匱而益信山人精神自足以不朽也輝祖何足爲山人重顧人表敦迫再四因敬書集後以塞人表賢孝之悵

嘉慶六年首夏五日蕭山汪輝祖頓首謹跋

雪杖山人跋

二

雪杖山人詩集跋

余未及見雪杖山人于詩中見山人焉至山人令子人表君則固真誠篤悱爲終身慕父母之君子余嚴重其人爲不可及蓋山人終窶且貧僅以詩酒自豪晚年需次廣文卒頗類以没人表少丁孤露舌耕營葬中年挾靈蘭之術以干諸侯遨遊江淮山左者數十年銖積寸累以劖劂山人之集可不謂克知大義承先養志之孝子歟余讀山人詩見山人性情之冲和吐辭之醇雅絕無怨尤悲悼之緒掇其筆端于外間綺靡諧諠刻劃閨幃之作直鴻溝桃源隔之非風風大雅之風憂憂生新之造哉至山人學術之淳正則在集中安貧賤一論雖寂寥之短章實持世之正鵠非實有得于濂洛以上溯鄒魯無此直捷明快也使人人盡知此義何至有下不安分而難乎爲上之樊哉余學術謏劣不足仰窺山人特于此得心印焉故特爲拈出以跋之人表與余暮年結契相得甚懽古稱求忠臣必于孝子之門惜人表草澤飄落不克上應弓旌束帛之求耳時相過從古懽送日子人表有厚望焉區區校勘之役何足云何足云時在嘉慶五年冬日歙州後學鮑廷博拜誌

雪杖山人詩集附識

山人與澧外舅祖程曲齋先生爲詩酒交澧幼時從曲齋先生游獲見山人廣穎赤頰目秀體龐望而知爲真讀書人猶憶一日山人背讀穆天子傳聲琅琅徹戶外曲齋先生謂澧曰此鄭先生今之玉川昌谷也嗣後水逝雲捲忽忽幾五十載茲始得讀山人詩集因憶曩事附識于末

嘉慶辛酉正月上元後二日陳澧讀畢拜記

雪杖山人詩集附識

雪杖山人詩集題辭

嘉慶庚申春仲中丞阮公屬文重輯浙詩爲翰軒補錄因出示雪杖山人詩集俾採掇數篇其時涉獵一過未熟復也六月杪客烏戌館寓鮑綠飲知不足齋塾中顧退飛先生其晨夕方校訂是集因得三復斯編且慨慕山人令嗣人表先生之篤孝年週七旬而傳刻先集往復商榷孜孜無倦意秋孟之望偕綠飲抵禾城分任郡志校刊之役館寓鴛湖書院與人表先生居南北相望僅隔一衣帶水乍見卽歡若平生數過從而情益親蓋至性過人非習俗論交乍合而易渙也山人集刊削竣工因不辭固陋題詩簡首卽用集中重九集賜經堂原韻時正重九日也武林後學朱文藻

雪杖山人詩集題辭

有華在春實在秋更窮遠目須登樓詩格近取米魯直食江瑤柱餐鱸蟬本東坡詩話雪杖山人思突胸次別具壑與邱據思一字不苟下千鈞欲墜一綫畱子雲奇字那足開奧味直當餐趙州但恐輓近趨平易聾牙詰曲開卷愁卑喧雌伏屢粟粒安得雞羣挺鶴立客窻我讀山人詩篇復一篇興飛急主人佐我一尊酒詩腸酒腸酣八九佳賓謂顧賢主緣飲共賞奇不覺談深常夜久竭來鴛水作寓公令嗣歡如平生友柳湖匡蟹南湖菱

禾城節物羅清冷嘉穀初熟田稜稜今日重九當題餽
 一編據案旋擣毫頓爾神王詩情豪心慕山人之高風
 思力破除障礙重悅聞聲歛來虛空論詩眼底嗤羣兒
 鼃龜不敢富筵吹采菊願薦寒泉厄我知山人歆所欲
 何必生前親炙熟題辭自結千秋知領首地下學摩腹
 我詩祇求寫我情和來高韻難渾成詩成且博令嗣笑
 誰謂難逢開口聲

雪杖山人詩集題辭 并序

二

雪杖山人詩集目錄

第一卷

古今體詩共一百八十八首

第二卷

古今體詩共一百六十二首

第三卷

古今體詩共二百二十一首

第四卷

古今體詩共一百九十五首

第五卷

古今體詩共二百二十五首

雪杖山人詩集目錄

第六卷

古今體詩共一百八十八首

第七卷

古今體詩共九十五首 附曲一套 賦十八篇

第八卷

雜著十二篇 外附

友陶居士古今體詩一百九首

秦濤居士古今體詩十二首

雪杖山人詩集卷第一

秀水鄭 炎清渠撰

男師尚人表敬錄

同里顧列星退飛遜

歙縣鮑廷博以文校

仁和朱文藻朗齋校

朱鷺

朱鷺飛飛下庭砌森然赤燦染翎翅食荷不吐當問誰
刑期無刑臯陶爲之師 聖人正位心無私朱鷺之來
遊兮應帝期鼓聲漏淵衆怒平四海內外咸銷兵盜賊
不發震區清

艾如張

雪杖山人詩集卷一

艾多不芟薙得水化爲蓬結羅江水濱驚散南飛鴻翻
車遺粟雀爭食雀鼠相爭鼠尤賊 聖人解網鼠歸穴
北鴈懷歸滿翎雪

上陵

上陵遠眺風袖舉上有層臺堪避暑六月六日松風寒
白石凝漿滴酥乳青雲千呂無雌風石塘貯水栽芙蓉
芙蓉花開香滿室美人照耀如花紅金鷄下飛張翰吐
綬火齊耀光芝蘭同臭酌彼銀斗爲萬年壽

將進酒

水之淡者爲交最深聲之希者惟瑟與琴酌君美酒廣

雅曲伐鼓華軒然寶燭文成無效兮靈丹不成自與日
月齊長生謬謬之士雖可畏君仁臣直赦無罪宐城渠
椀接新歡天保非佞非遊盤廚生蒲筵不搖自扇室具
神鼎不羹自煥絲竹嘯啾河海晏化日舒長人所羨

芳樹

桂之樹華自芳人有善令名彰考鐘伐鼓聲喤喤芳樹
日月春夜長東方未明肅冠裳淵深靜穆蹈平康咸和
萬國丹鳳翔舉頭猶見星煌煌

石流

石流石何以流海水不動沙爲洲不比當衝濫瀕如馬

雪杖山人詩集卷一

牛海夷來朝泊巨艘三身反踵和飛頭貢厥土物遵王
猷景星夜見縣中州

荅友人問詩

新詩非浪語不朽乃可傳墨與心血磨手與仙人援泣
處盡成珠悲來咽幽泉振衣萬仞岡乘雲挾飛仙寸丹
不可昧赤日扶桑懸

讀書通萬卷宇宙藏心曾浩蕩八荒內有我居其中心
細膽欲大葉落花從風浮雲何處來飄泊任西東不作
秋蟲鳴便係天邊鴻古人相後先用以開顯蒙

一人懷一志志小辭必卑咕咕字句求畢世無佳辭熟

精文選理杜甫課其兒巨刃摩天揚方免撼樹嗤吉人
辭本寡中疑辭乃支能令天雨粟倉頡心先知

悠然見南山手中把芳菊舉杯問青州濁醪爲誰潔佳
趣在微醺濃蕉覆新鹿知已方訂交可以同翦燭遶東
有管寧高瞻我所屬斷席絕華歆母令染塵俗

女兒工織素擲梭不停手文士夜操觚誰來掣其肘寸
心苟不靈欲語箱在口汨汨春山源可以灌千畝桔槔
費人工池乾亦何有

怒潮作龍吞初來明一綫遲遲故遲遲奔放疾如箭潮
湃不可禦勢若走雷電中有細迴波反激飛雨霰不獨

雪杖山人詩集卷一

三

中間高平闊周四面須臾沙渚出晴江皎如練

未能捐肢體誰有心血付苟自弄聰明終焉隔塵霧人

云我亦云欲濟誰與渡堪笑狂酒徒惡黷面遭唾亦有

僞相知頻來含嫉妒此等何足云窮居且甘餓

欲求千載名須友天下士日與僖父談何能知妙理子

今果好學先須熟經史溯源三百篇騷選植根柢六朝

及四唐貫串徹涯涘采采白蓮花輕舸泛秋水

燈棚踴躍歌

衆口萃吟嚙癡情傲嬾嬰辨懇東恭謹摸索釘餌多槽
嵐野熨出昇肝臃腫瘡上障白不染冒之以五紵牛行

燭牲牲兩觸誰搓挪僬僥未爲人終受矜吟唆晶毬注
醴醪篝火灼眠犧辛燒薤兩葉更爆蕊一窠鼈頭鼓或

罌盤舞咏寬適佳兒短轅犢美人細馬馱壓抑身耐耐
燒剔甘車嵯絕臙爲扛鼎垂癭思食難飽蕭維麋鸞煎

割煩調和筠簋雖小竹新響越亭柯錦纈織就缺紫帳
飄臺影撲朔矜巧跌快於五木援先呈頰雙靨餘含笑

一渦捷手弄魴魚形容掀髻螺剪絨飾猴瑤縱送拋雛
國蟠車轉樓局茵薤飛么麼蝨蟲方啟蟄雷軸翻黃婆

雪杖山人詩集卷一

四

石野豬駁放堯禮科莊亦愛粉墨優鏡批新磨三郎已

沈醉肩背應鳴鼉微也豔翎翮一縱喧朝飽曉曉口無

毛丁丁尾纖羅誼謹環刁刁聞穉息颯呵踈蹠御溝水

踣鹿排鴛鴦艤艤反踵躍戲擲崑崙茄輦玉軒奇音花

軫妝伽陀交送馳迨還鉤踢邯鄲靴邨鄉張虎口醪漑

回魚波螳螂矜仰飼周穆賚甘禾黍焉擲搏飯籩龍化

金梭揭璽戴山出敲鉦撞刁戈汗血超渥洼夔象擺牂

牂雖寬半將將除爰形皤皤紛紛終復始宵寐輪潛摩

麥青風穠穠藜白雲嵯峨燈棚槩仙島爲此踴躍歌逢
場且作耍寄言雙罔哥手足自飛動莫慮散錢多保障

戀慈父月夜喧春儺黃金而四目奈此春燈何

曉晴以梅點茶有感

奄翊鬚簾日半簾泛波鷓鴣避高春起來跌坐破孤悶
烹罷惜芬憐冶容小燮頓添龍餅韻淺鬻微判甲煎糴
欲將謝眺詩相問搔首如登落鴈峰

和亭標遊開化寺六和塔韻

聞說君遊開化寺手披紅日浴清江身騰寶級諸天窄
濤撼霜鐘午夜撞雪霽漸生沙漲草灰餘重展垢離幢
酪奴不數鄒邾國兩首新詩壓大邦

題指頭畫虎障子

雪杖山人詩集卷一

五

旋毛覆額兵利身石難飲鐵山君神門屏出入總虛耗
以威攝之家回春郭經再鼎多怪獸有時頭足同乎人
劉昆異政河虎渡虎尚有知人不顧巖鳴谷應雲濛濛
人學鯨吞虎安步狐嘯立弊獮糞消人不遭迷虎之故
君家積善本無祟虎化騶虞頗矜貴指頭畫出懸英堂
風來不腥隄塵香拔鬚醫齒勇莫當招逆爪甲森開張
斐旻辟易朱亥喜蕭蕭古樹含風霜

春分夜大雪用竹垞翁竹籊聯句韻

頻年莫纂輝重日臭發專淪起宿霾豪銳夜號沙掩躍
商羊晨躍雨淋街乍尋冷署飄楸局頓返炎居解鞞輟

密灑已吞簾外檻平鋪漸接水中簾矮叢仰受疑無際
脩幹橫陳洵有涯云々層層堆板屋弓弓淅淅疊山崖
桑細未展晴雲沃柳隄先舒晚絮佳劉額粉些潛抹毳
嬌鬟碧墮半凝釵吹灰六瑄停鄒谷鍊石重霄補女媧
龜手戰酣香接筋羊腸路繞白流鶻枕松鼓吹味嬌韻
裂竹霜威翦沸哇晶晶衆芳饒爾輩毳毳高潔讓吾儕
扶持叱使縫條達鞞巡簷髮刺乖開處檀心遭玉鎖
飄時翠萼惜珠薤瘋癡耳動狂嗥影慵曳頭蒙病乞骸
佛火細賄需蠟淚魚鱗鑄鎧風鑪錯歸漁瓦漏將蕞整
罷獵林迷怒馬挨小酌鳩飛防瓊碎大言劍倚覺輪差

雪杖山人詩集卷一

六

鞭長鳥道寬踰夏轅短龍交曲傍闕卻炭連紆矜內肉
脂膏羸羽恃中勑鹵懸繫疊藤生果蕎珍醴醴麥長稽
九十春光蛇赴壑三旬晝夜箭離轍一絲蟾孕留蟠腹
千朵銀濤滾淩浩瑟帶芬封倦圖壺壺聯珮逼瑤階
星娥咳唾彭郎碣月姊雕搜鬼眼艾虎伏只今悲白朽
鷗翻久已溯黃濱衣嚴百結垂纓絡食淡三餐煮菜鮓
啄石囉囉憐子鸛牽翔唳唳惜孫芸環壯構李羅浮別
繞郭嘉禾庾嶺皆瑞木葉分掀薤籊籊姑射也降祇娃
兔園抽蘭蘭葩昨禹廟侵梁蹀躞欬哂彼破觚成假月
笑余黏壁等枯蝸風前鳳羽窺么琬匳外羅亡溜密崖

泛泛江凌漂木柿騰騰墉塹擁仙楷板敲墮幘嶠行酒
書載浮舟芾揭牌富便易交何藉訂胡而爲賈恍能諧
頓教嫩葉排成霰終覺平坡壘作裏荻管放閒書地筆
晶簪畫出上天堦爛熳紅豆供香飽淨捻青螺借悶排
仍几曲屏當背室雲筵冰柱近沁巖雄心猛勝矛穿甲
銳志深於火鑽槐桒商悠然羣見喜撫膺允矣物奔催
龍巾師德乾難拭衫涕江州溼未揩調笑令中燈舞桁
侏儒隊裏印藏綱靡窮屏側離憂勾儘够勾畱美士懷
早向傳巖調鼎味僅容德秀駕車柴罷形被髮人而立
楚語絲蠻駛不啻叶古岫螻蟲蛙蚪屯時跔跔獸呵豺

雪杖山人詩集卷一

七

藉茅穩臥憐櫻榻編竹爲籬稱小齋明日天晴咏殘積
老梅枝下酒徒偕

贈戚素光

百日不相見鼎爨煙可蹈欲築雞林壇思君張赤囊每
飯懷廉頗術術鳴思春到既擬鉤其元還當挾其奧攻錯
共磨礪成人幾有造小疵藉明言幽深諧默禱休嫌嗜
癡癖悉等昌歎好昔年監河侯西河決回漕豈意漆園
蒙涸鮒斗堪導吾生每諱貧掩鈴如誨盜積薪未收拾
已困霖雨潦漂麥竟隨波土梗相對悼三男未翼長一
蝸殼方菴風雨室屢搖焉能免嘵噪少時習一經筮告

雪杖山人詩集

一一

道皆冒至今幾華顛花猶未簪帽君眞堅素冑新書能
止暴筆力自邁勁膽氣亦雄驚我有一漏卮拱壁羅齊
告初無盪舟力何以甚夏畧南州得徐穉出語等盤詰
灑灑五百言高吟破煩懊謂余心澹宕探根靜君躁藝
圃非不蓄云何鹵莽報冉冉綠乳浮松陰覆茶窻

墨韻酬徐學田

伸鉤禽手接編鬚虎尾蹈班駘傍赤旗方鉉張左蠹文
駟含利竝詩鶻鶻居到已正審曲形不畏倒茄奧騰三
環以五何以窺所造魚恥商隱祭肉補閭仙禱讀君自
行篇雄論投我好鱗鯢掉其頭水立拔泓漕胃脯及洒

雪杖山人詩集卷一

八

削俯首甘引導昭藐意艱偷陀堵壁難盜余家中舍
非早卽苦潦颶颶化仙車撞木躬自悼雉雛思鴛翔鵲
卯婉雞苑幸非臯徒音遇獵兔翔噪君艦揚巨帆得勢
可前冒我攜艤子來花落滿櫻帽我依沙灘行猶然怕
風暴君衝巨濤出疾若縱奔驚中流各努力前車競相
告負趨戒藏壑陸駕悲燾昇他年入石渠臨軒草鸞詰
走筆風雷馳習熟無悔懊笑我日橫行蟾蜍用心躁君
名貼泥金千里捷音報我當老回中蒲伊熾丹竈

白桃花悅山弟宅

天雞啼破玉精華素藹移來中祕家上已暖風晴判夢

清明淡雨冷湔花粉調蹟面全無暈酒釀扶頭未吐霞
已向柳邊微視葉謾誇處上戀枯槎

粥冷飴香傍野壇樹頭雲母勤加餐煙從禁後姿難染
鶯到嬌時語不寒碧玉尊前容我泛軟紅道上倩誰看
莫言零辯終成浪總沐春風未可干

蜻蜓歌和盧玉川

全也念汝小蟲子葉葉水上水中死莊辛幸臣雀鵠囚
楚蔡膠絲甚於爾全乎自憐無羽翼黃河中流見斜日
欲叩上帝生賢臣惠化人閒自忤悵黃河水高水波逆
蟲子無聲眼雙碧天憐蟲子不憐全甘露遭釘露中泣

雪杖山人詩集卷一

九

酒瓢未乾紗帽吹空餘一卷玉川詩鬚眉化作蜻蜓兒
過七星橋題仙童小像

天垂威斗鋪長虹蟠流屈曲波迷濛排山頓試五丁手
斧而鑿之聲瓏瓏如山竹石般巧運斷岸不掉須臾通
中開五竇旁兩穴穹窿直可撐簾幢任公左右任施釣
浪花雲捲含奎東春桃新漲髀矢疾旋渦觸柱鑑豐隆
淵源發自天目抵龍飛鳳舞珠光紅我今到此且延佇
醉餘綽約尋仙童仙童玫瑰面脂滑愛我禿筆馳追風
片箋潑墨月華動隱隱似現鼉鼉宮甍龍新紉潛卷拔
貪巨點點搖重瞳狂狂趨趨祝融還蚩尤旗展人魚鰭

天津蘆溝那可喻墨磴礪柯潛黃熊尊收縫泰夜相守
巧與栗陸呼騎蟲機雲咋舌枚乘駭置身紫府披丹楓
歸途偏側路鼉背黃金鎖骨懷晶籠

和漢上傷春

作盡楊花態輕摸蠻女腰陽春原有曲白雪幾曾消
熊渠通華路宋玉繼江離孤艇晴川外傷春正在茲

鏡

對笑含輝素彩流光平處思悠悠背人簾捲波微動
靚面花開豔轉浮雲鎖曉山終帶恨菱翻秋水叵銜愁
要知罔象皆成幻石火形容過不留

雪杖山人詩集卷一

十

春閨新月

金池低逗哉生月畫破圓蒼一爻白新光細影透簾波
凝霜抹上梅妝額美人懷春坐東閣却背晶屏卷龍幕
奩開霽閃秀蛾痕搖蕩菱花水心落芙蓉帳煖思悠悠
桂萼不染江南秋仙人素足肯垂地六鼇應避纖纖鉤
螭頭冷瀉碧香浸醉乞靈丹羿妻客幾宵無力凭欄杆
退飛化作鴛鴦鏡

方瑩過

昨歲春風昨夜星袖攜山色入蘆汀春雲綰鬋無涼月
榆火傳來一朵青

慨古

天風本無私馬牛自南北天星本同照參商自出沒無
以出沒故甘與參商同勿以南北異化作馬牛風馬牛
有時交直道難相容

今我忽不樂默默何所思袖手磐石閒坐觀局中棋黑
白自分明生死那得知蒺藜生堂上師曠爲之悲

梓人不理牀巨弩不射羊寶刀能切玉喬木堪爲梁理
牀豈無匠烹羊豈無刃丈夫須遠謀君子貴堅忍
握粟問家宅著卦得重離占云明上明不救虛中虛六
爻本安靜腹大恆苦飢慎勿化爲坎所憂在中滿

雪杖山人詩集卷一

十一

蹄涔積寸濁淺淺不盈掬沙中困赤鯉咫尺不得浴蝦
蟄飲且酣高唱鼓鱗腹爬沙自逞驕鯉也日迫感一朝
海波溢奮鬣長鱗族蝦蟇咽無聲耽耽睥其目

西子沒已久荷花開至今豔色嬌欲語脂紅笑難成泛
舟出三江日暮波冷冷國色且不朽況乃不朽音

雷同古所譏正言今所訕苦無同心人與之共清晏所
憂皆自反庶免一朝患弗謂布衣交可拒良友諫

外舅古民陳先生春暮移居遯野

不獨梅花香可隣此中棲息總高人希夷臥處雲封榻
茂叔庭前草喚春幽谷禽言無俗韻清溪竹影絕纖塵

雪杖山人詩集

飛來一隻孤山鶴也會銜書理釣緝

借居便是買山人開徧桃花手尚蠅豆綠麥青詩有料
飯香茶熟座生春農舟出港携家具野老談心守席珍
銀手斷來金口默殘書半架束承塵

卽席和魏晉侯韻 時大雪

遯野今猶古梅開五百年暗香酸玉盞春色煖詩筵光
奪孤圓月花飛不夜天衝寒同訪戴會合有奇緣

春夜將過梅涇先寄桂亭

林喧失寧木巢歎艱危邪道窮不食謀汲深愁縷短小
人朋僞多君子交眞罕直麻恥友蓬巨眼窺隘管與君

雪杖山人詩集卷一

十二

情相親而我棹何緩三年室多故一身衣匪澣墨面終
樂樂赤心徒纂纂昔聚璧朔合今離星曉散自見秋鴻
飛便成藕絲斷臨風重徘徊宿夢增憤懣鳴鳥亦有羣
吟蟲亦有伴來尋涇上梅荆扉夜昏欸

恭迎

皇上聖駕南巡幸煙雨樓五章

一統車書六宇同梅迎

天仗曉星紅吟鞭霽拂瓶山雪芝蓋香飄鶴渚風已向
春波開輦道卽看南極護

行宮千門比戶承

新澤都在韶華掩映中

嘉禾何幸得瞻

天一片湖光在檻前紅糝飛花凝瑞雨綠鋪芳草起祥
煙棹歌欸乃漁舟集樹影參差水纜牽城市歡聲眞踴
躍聚觀黃髮滿春田

洋溢深

恩被越裳

省方垂注沐榮光農餘丁稅家家足物阜熏風處處昌
布穀勸耕秧馬細灼山看火繭絲長

仁慈聖母親臨幸女史迎

雪村山人詩集卷一

三

鑾獻壽觴

遙聽隔岸弄梭聲濯錦湔裙細浪平開徧碧桃環繡壤
飛來紫燕語雕楹淋漓指墨雲花淡揮灑清箋旭照騰
無逸一篇常在念不辭

宵肝慰輿情

南連上竺北姑蘇隙地風光跨兩都官吏奉行成

至治士民遵法守良謨水晶簾捲霞生彩玉篆文

頒馬負圖海不揚波鍾應律太平

天子駐金吾

無鹽曲

宣王漸臺集紅粉綺服香裙照醇醪無鹽自售王見之
五管朝天被敗繮美人羣笑王曰嘻四語殆哉身便隱
齊王大異立爲后滿苑如花發悲忿自知才拙無奈何
縱有妖姿且箝吻面容雖醜兵法強況乃端方語尤謹
驪姬白台奚足云外貌鮮妍內何蘊西施亡吳空霸越
太眞洗兒喧內闕西來蜀道雨淋鈴一條白練埋香骨
陳宮金井縋束腰石家墮樓無限嬌漢宮幾亡由禍水
就新去故風蕭蕭君不見暮春三月露井桃平陽舞罷
被錦袍梁鴻諸葛松後彫迷樓玉樹親妖嬈屢屢曲接
筵篋謠

雪村山人詩集卷一

四

將之嶺南省觀先作三律自嘲

水面楊花東復東識奇誰復重揚雄一杯失手蛇添畫
五技誇人鼠自窮縱使花飛三寸管何如力挽六鈞弓
省親南海同王勃要與河神乞順風

十年刻就棘端猴未見燕王一例收車羣豈膏方柞軸

魚勞終死曲茹鉤奚甘牛口汚於鬻漢美羊頭濫得侯

去亦不追來不拒仰看羣燕自春秋

吻燥脣焦季女章包胥倚柱血霑裳索枯泣待西江水

塵變行收東海桑木刻魚龍香態幻冰堆虎豹旭關當

此中獨抱孤忠往風雨回頭泣雁行